

Am Kader vun Ärem Stage, deem Dir den 1. September start, kënnt Dir, ënner bestëmmte Bedingungen, eng Reduktioun vun Ärem Stage, respektiv eng Dispense vun eenzele Formatiounen an Epreuven ufroen. An deem Fall kënnt Dir Är Demande ënnert dësem [Link](#) erareeche. Bei Ärer éischter Connectioun musst Dir Ären Accès op d'Onlineservicer vum Staat validéieren (eAccess). Heizou fannt Dir ugespéngelt och en Tutoriel fir d'Connectioun.

Fir sécherzestellen, datt Är Demande sou séier wéi méiglech traitéiert ka ginn an Dir virum Ufank vun Ärem Parcours, den 01.09.2023, eng Äntwert hutt, biede mir Iech, Är Demande w.e.g. **bis den 21. Juli 2023** eranzereche.

Hei drënner fannt Dir och nach méi Erklärungen zu de Reduktiounen an Dispensen. Mir bidden Iech dës Informatioun opmierksam duerchezulesen:

- **Reduktioun vum Stage:** Dëst bezitt sech op **d'Dauer vum Stage**.
D'Mindestdauer vun Ärem Stage no enger eventueller Reduktioun ass 1 Joer. **OPGEPASST:** Am Fall vun enger Tâche partielle geet de Stage iwwer 3 Joer (minus Är Reduktioun). Eng Reduktioun vun Ärem Stage kënnt Dir ufroen, wann Dir an enger vun de follgende Situatiounen sidd:
 1. **Situatioun 1:** Dir hutt de ***Certificat de formation pédagogique*** als Employé/e gepackt: an deem Fall musst Dir ***“Réussite au certificat de formation pédagogique délivré par l'IFEN”*** uklicken an Äre Certificat uspéngelen. Dëst gëtt Iech Urecht op eng Reduktioun vun engem Joer. An deem Fall braucht Dir keng weider Konditioun unze Kräizen.
 2. **Situatioun 2:** Dir hutt am Kader vun Ärem Diplom ***16 Wochen Stage*** gemaach: an deem Fall musst Dir ***“Stages d'une durée cumulée de seize semaines ou plus, préparés, accompagnés et validés dans un domaine qui concerne spécialement la fonction sollicitée”*** uklicken an Ären Diplom esou wéi een Dokument dat déi 16 Woche Stage beleet, uspéngelen. Dëst gëtt Iech Urecht op eng Reduktioun vun engem Joer. An deem Fall braucht Dir keng weider Konditioun unze Kräizen.
 3. **Situatioun 3:** Wann Dir weder an der *Situatioun 1* nach an der *Situatioun 2* sidd, da ginn et nach weider Méiglechkeete fir eng Reduktioun unze froen:
 - **Diplom zur “Formation initiale axée sur les sciences de l'éducation, la pédagogie et la didactique”** ouni 16 Woche Stage: an deem Fall musst Dir ***“Formation initiale axée sur les sciences de l'éducation, la pédagogie et la didactique de la spécialité”*** uklicken an Ären Diplom uspéngelen.
 - **Zousätzlechen Unisdiplom** (p.ex. Master en Sciences de l'éducation): an deem Fall musst Dir ***“Diplôme universitaire supplémentaire en dehors des diplômes requis pour l'admission au service de l'État”*** uklicken an Äre zousätzlech Unis-Diplomer uspéngelen.
 - **Expérience professionnelle antérieure:** an deem Fall musst Dir ***“Expérience professionnelle antérieure, rémunérée et soumise à la retenue de cotisations pour pension”*** uklicken an ee Certificat d'affiliation uspéngelen (p.ex. [CCSS](#) – si expérience professionnelle au Luxembourg).
- **Dispense vu Formatiounen:** Dëst bezitt sech op **d'Inhalter vun de Formatiounen**. Falls Dir virum Ufank vun Ärem Stage scho Formatiounen oder Epreuve gemaach hutt, deenen hiren Inhalt an hire Volume (Stonnenzuel) mat deem vun de Formatiounen vun Ärem Stage iwwerteneestëmmt, da kënnt Dir fir eenzel Formatiounen eng Dispense ufroen. Follgend Dokumenter misst Dir am Fall vun enger Demande de Dispense mat uspéngelen:
 - Attestatioun vun der Presenz, mat der Stonnenzuel
 - Deskriptiv vum Inhalt vun der Formatioun

➔ **Wichtig Informatiounen zu den Dispensen an der Legislatioun:**

- **Dispens vum Examen**
 - Dir hutt de Legislatiounsexamen am Quereinsteigerparcours oder op der Uni.lu mat **méi wéi 2/3** am Total gepackt (ab 13,34/20): wielt w.e.g. d'Case "Je demande à être dispensé/e de tout ou partie de l'examen de législation" un. Dir kritt fir de ganzen Examen eng Dispense.
 - Dir hutt de Legislatiounsexamen am Quereinsteigerparcours oder op der Uni.lu mat **manner wéi 2/3** am Total net gepackt (< 13,34/20): wielt w.e.g. d'Case "Je demande à être dispensé/e de tout ou partie de l'examen de législation" un. Dir kritt fir déi Module am Examen eng Dispens, wou Dir méi wéi 2/3 vun de Punkte hat.
- **Dispens vun den Legislatiounsformatiounen**
 Dir kënnt eng Dispense fir all Formatioun ufroen déi Dir scho an engem anerem Parcours gemaach hutt, onofhängeg dovunner ob Dir den Examen gepackt hutt oder net! Mir wëllen lech awer dorop hiweisen, datt et net ausgeschloss ass, datt de Formateur en aneren ass bzw. d'Matière sech geännert huet. Sollt Dir lech decidéieren, awer wëllen un engem/ méi Coursen deelzehuelen, biede mir lech w.e.g., keng Dispense fir déi concernéiert Formatiounen unzefroen. Wann Dir eng Dispense ufrot, hutt Dir d'Geleeënheet **net** fir d'Formatioun nach eng Kéier ze beleeden.

Falls Dir wieder Froen dozou hutt, kënnt Dir eis ganz gär kontaktéieren (stage-ef@ifen.lu).